




續文獻通考

百四十五百四十六



內閣文庫	
番號	漢 2431
冊數	81 (49)
函號	294 13



續文獻通考卷之一百四十五

淺草文庫

皇明進士雲間王圻纂輯

謚法考 宋臣下至西夏偽謚

左僕射觀文殿大學士特進司空贈太傅舒王王安石臨

川人紹聖中謚文

資政殿大學士知揚州贈右銀青光祿大夫張璪金椒人



哲宗時謚簡翼

資政殿學士判南京留司御史臺贈工部尚書蔡挺宋城

人元豐三年謚敏肅

初挺兄抗卒贈禮部侍郎又欲賜謚吳奎曰抗以舊恩

自雜學士贈官已踰常制安得復謚遂止



樞密副使知洪州贈金紫光祿大夫王韶德安人元豐四年謚襄敏 武勝軍節度觀察留後提舉醴泉觀贈寧遠軍節度使王厚韶子元符中謚莊敏

同知樞密院薛向萬全人元祐時追謚恭敏 資政殿學士中太乙宮使贈右銀青光祿大夫章綰浦城人徽宗時謚章簡

少保莘國公贈太傅鄧洵汝陰人宣和中謚文簡

觀文殿學士贈吏部尚書王陶萬年人元豐三年謚文恪 知邕州贈奉國軍節度使蘇緘晉江人神宗時謚忠勇

皇朝賜謚忠壯

緘禦交趾無援一門死者三十六人神宗嗟嘆贈謚

龍圖閣學士知揚州贈左銀青光祿大夫滕元發東陽人

哲宗時謚章敏

工部尚書李兌臨潁人神宗時謚莊

給事中贈光祿大夫吏部尚書徐禧分寧人相視永樂城為夏兵所殺神宗時謚忠愍

檢校少師太尉贈少保种師道洛陽人建炎中謚忠憲

河北制置使贈少師种師中師道弟靖康中謚莊愍

尚書左僕射兼門下侍郎贈太師温國公司馬光夏縣人元祐中謚文正 兵部尚書司馬朴光從孫靖康初以

兵部侍郎使金握節而死謚忠潔

起居舍人黃廷堅分寧人謚文節

太常寺謚議略曰夫子曰有德者必有言蓋行者文也德者實也德稱乎文則文之著乃實之形也無其實而有其文抑末矣黃公以文名世世人知其磊磊軒天地者此也不知其真履實踐卓乎不可企及非吾夫子所謂有德者必有言乎紫陽朱夫子稱公爲孝友周文忠公記分寧祠非徒曰瓌璋之文妙絕當世而又曰孝友之行追配古人則公之平生凡性分所當盡者真無毫髮遺憾矣其爲元祐史官也荆公勿令上知之語陸右丞隱而不書公爭辯甚苦辭氣莊厲至目爲佞史紹聖間羣小用事追仇元祐史官詔拘畿縣以報所聞衆悚惕失據公隨問隨答弗惕弗隱而謫黔徙戍委頓萬狀

畧無幾微見顏面其爲承天塔記也部使者阿順風旨萬千交煽遂有宜州之行人不堪其憂而公處之裕如也公之所學如此守道守官如此公之處生死禍福如此信爲有德有言之士其可與操觚翰咏聲音警采色者例之乎謹按謚法曰道德博聞曰文能固所守曰節公之文名愈久愈著如皦日之行天終古不滅非道德博聞不及此公之氣節愈挫愈勁如精金之在冶百鍊不磨非能固所守不及此請以文節謚公宜無歎

銀青光祿大夫蜀國公贈金紫光祿大夫范鎮華陽人元祐中謚忠文 資政殿大學士知河南府贈銀青光祿大夫范百祿鎮兄子謚文簡

朝奉郎提舉玉局觀贈太師蘇軾眉山人紹興時追謚文忠 大中大夫端明殿學士蘇轍軾弟淳熙時追謚文定

觀文殿學士贈太師宣國公呂大防監田人紹興時追謚正愍

正議大夫贈太師蔡確晉江人哲宗時謚忠懷

大中大夫贈觀文殿大學士曾布南豐人大觀中謚文肅

觀文殿大學士太中大夫贈少師劉摯東光人紹興時追謚忠肅

尚書左丞梁燾須城人謚忠肅

右光祿大夫贈開府儀同三司孫固管城人元祐中謚溫

靖

同知樞密院事贈銀青光祿大夫趙瞻蓋屋人元祐中謚懿簡

中書侍郎贈銀青光祿大夫傅堯俞濟源人元祐中謚獻簡

資政殿學士兼侍讀贈銀青光祿大夫孫永長社人元祐中謚康簡

太子少保贈太子少師元絳錢塘人政和初謚章簡

觀文殿學士奉國軍節度使佑神觀使贈開府儀同三司許將閩縣人政和中謚文定

尚書左丞贈開府儀同三司鄧潤甫新城人哲宗時謚安

續文獻通考 卷之四百四十五 三十一

惠

知舒州資政殿學士林希福州人蔡京之黨徽宗時謚文節

寶文閣待制贈寶文閣直學士鄒浩常州人紹興時追謚忠

左正言贈直徽猷閣張廷堅廣安人紹興時追謚節愷
右正言贈諫議大夫陳瓘南劍州人謚忠肅

高宗謂輔臣曰陳瓘昔爲諫官甚有謹議近覽所著尊堯集深明君臣之大分合于易天尊地卑及春秋尊王之法王安石號通經術而其言乃謂道隆德俊者天子當北面而問焉其背經悖理甚矣宜特賜謚以表之謚

曰忠肅

中書舍人贈直龍圖閣諫議大夫任伯雨眉山人淳熙時謚忠敏

知衢州事贈龍圖閣直學士通議大夫彭汝方鄱陽人死於方臘謚忠毅

寶謨閣待制知單州贈銀青光祿大夫孫鑿江都人靖康中謚通靖

權叅知政事程克俊浮梁人謚章靖

尚書左丞贈太傅蔡卞仙遊人政和中謚文正

殿前都指揮使贈侍中郝質介休人元豐中謚武莊

建武軍節度使殿前都指揮使贈侍中賈逵藁城人元豐

中謚武恪

刑部侍郎金紫光祿大夫竇舜卿安陽人熙寧中謚康敏
武康軍節度使贈開府儀同三司劉昌祚真定人哲宗時
謚毅肅

武信軍節度使贈開府儀同三司燕達開封人哲宗時謚
毅敏

檢校司空奉寧軍節度使贈開府儀同三司姚雄五原人
哲宗時謚武憲

步軍副都指揮使贈奉國軍節度使劉舜卿開封人哲宗
時謚毅敏

威武軍留後贈安武軍節度使宋守約開封人神宗時謚

勤毅

殿前副都指揮使贈開府儀同三司苗綬潞州人元祐中
謚莊敏

瀘州軍節度使贈檢校少保劉仲武成紀人徽宗時謚威
肅 江淮浙西制置使贈開府儀同三司劉錡仲武第

九子孝宗時謚武穆

馬步軍副總管贈感德軍節度使張蘊開封人徽宗時謚
榮毅

定州真定大名副都總管贈昭化軍節度使楊應詢鄆人
章惠皇后族孫徽宗時謚康理

觀文殿大學士佑神觀使贈司徒趙挺之密州人徽宗時

謚清憲

崇信軍節度副使累贈太保張商英新津人紹興時追謚

文忠

靜安軍節度使康國公贈太保劉正夫西安人徽宗時謚

文憲

太傅贈太師追封清源郡王何執中龍泉人徽宗時謚正

獻

太保贈太師華源郡王鄭居中開封人徽宗時謚文正

知樞密院事贈開府儀同三司張康國揚州人徽宗時謚

文簡

右丞相贈光祿大夫朱諤華亭人大觀元年謚忠靖

資政殿學士知東平府贈開府儀同三司侯蒙高密人徽

宗時謚文穆

尚書左丞贈龍圖閣直學士李邦彥懷州人宣和二年謚

宣簡

殿中侍御史贈右諫議龔夬瀛州人紹興中追謚節肅

吏部侍郎閻丘訢麗水人徽宗時謚清簡

龍圖閣直學士李浦浙人徽宗時謚宣簡

少傅贈開府儀同三司孫傳海州人建炎中謚忠定

中書侍郎贈開府儀同三司陳過庭山陰人建炎中謚忠

顯一謚忠肅

簽書樞密院事贈開府儀同三司張叔夜開封人耆孫建

炎中謚忠文

同知樞密院事贈觀文殿大學士聶昌臨川人建炎中使金遇害謚忠愍

江東轉運使薛良顯瑞安人崇寧中進士江寧軍校周德作亂良顯率衆與戰死之謚忠愍

顯謨閣直學士通議大夫贈光祿大夫鄭僅彭城人徽宗時謚修敏

禮部尚書提舉上清寶籙宮贈特進姚佑長興人徽宗時謚文僖

右正言贈中大夫陳禾鄞人徽宗時謚文介

寶謨閣待制贈光祿大夫李伯宗河陽人徽宗時謚榮

保靜軍節度副使知陳州宋喬年庠之孫政和三年謚忠

文正議大夫殿中監贈金紫光祿大夫延康殿學士

宋昇喬年子蔡京黨徽宗時謚恭敏

叅知政事楊椿眉山人謚文安

黔卒魏漢津蜀人蔡京黨薦鑄九鼎建寶成殿卒後贈以侯爵謚嘉晟

延康殿學士提舉醴泉觀兼侍讀監修國史贈資政殿學士強淵明錢塘人蔡京黨徽宗時謚文憲

刑部侍郎贈端明殿學士程振樂平人從車駕至金營爲金人所殺端平初以曾孫東請謚剛愍

吏部員外郎贈徽猷閣待制傅察濟源人宣和七年使金

不屈死乾道中謚忠肅

京兆路經畧制置使贈資政殿學士唐重眉州人爲金將所攻城陷而死高宗時謚忠愍

守汾州贈武康殿學士張克戩者曾孫紹興中爲金人所攻力屈而死謚忠確

知麟州贈武經郎楊震代州人爲契丹亡將所攻闔門俱死建炎二年子存中貴請于朝追謚恭毅

知真定府贈昭化軍節度使李邈清江人使金不屈而死紹興中追謚忠壯

榮州團練使贈明州觀察使程迪開封人靖康中與金人力戰而死謚恭愍

吏部尚書贈觀文殿學士李若水曲州人高宗時謚忠愍

京城四壁守禦使贈資政殿學士劉韜建陽人高宗時謚忠顯 徽猷閣待制提舉太平觀劉子羽韜子謚忠定

觀文殿學士光祿大夫劉瑛子羽子淳熙中謚忠肅 劉氏居建陽者領謚忠簡純謚忠烈韜謚忠顯子羽

謚忠定而瑛謚忠肅故世號五忠劉氏

禮部侍郎贈端明殿學士譚世勳長沙人高宗時不受張邦昌僞命謚端潔

知晉寧軍贈彰化軍節度使徐徽言西安人高宗時爲金將姜宿所執不屈而死謚忠壯

淮寧太守贈通議大夫向子韶開封人神宗后再從姪高

宗時金兵陷淮寧不屈而死謚忠壯

建康通判贈徽猷閣待制楊邦乂吉水人金師入建康邦
又憤罵不屈剖心而死高宗時謚忠襄

直龍圖閣知鄧州贈太中大夫劉汲丹稜人高宗時死于
金寇謚忠介

直秘閣知同州贈樞密直學士鄭驤玉山人高宗時金寇
入赴井死謚威愍

提點河東刑獄贈中大夫資政殿學士郭永元城人高宗
時為金師所囚不屈死謚勇節

寧州觀察使兼同虢州制置使贈彰武軍節度使李彥仙
寧州人謚忠威

彥仙投河死金人屠其家張浚承制贈以官使建廟商

州號忠烈宣撫使周聿請即陝州立廟號義烈後以商
陝與金徙其廟閬州乾道八年謚忠威

徐州觀察使泗州漣水軍鎮撫使兼知楚州贈奉國節度
使開府儀同三司趙立徐州人高宗時被金人飛砲中

首卒謚忠烈

龍圖閣待制知徐州贈資政殿學士王復建炎三年金師
破州徐闔門百口皆被殺謚壯節

延康殿學士知青州贈光祿大夫魯孝序晉江人因將官
王定為亂與其子同遇害謚威愍

知鎮江府贈徽猷閣直學士胡唐老宿魯孫建炎中諭建

康潰卒戚方等為所害謚定愍

資政殿學士京城留守贈觀文殿學士通議大夫宗澤義

烏人謚忠簡

觀文殿大學士提舉洞霄宮李綱邵武人高宗時謚忠定

清遠軍節度副使贈太傅豐國公趙鼎閩喜人孝宗時謚

忠簡

少師醴泉觀使贈大師魏國公張浚廣漢人孝宗時謚忠

獻

尚書右僕射兼知樞密院事朱勝非蔡州人謚忠靖

江東安撫制置大使贈大師秦國公呂頤浩濟州人謚忠

穆

右丞相少師汪伯彥祁門人建炎中謚忠定

資政殿學士李光上虞人孝宗時謚莊簡

資政殿大學士提舉洞霄宮許景衡瑞安人高宗時謚忠

簡

同知樞密院事張懋樂壽人高宗時謚忠穆

四川宣撫使鄭剛中金華人初忤秦檜謫封州檜死高宗

復其官謚忠愍

大師鄆王韓世忠延安人孝宗時謚忠武

少保鄂王岳飛相州湯陰人淳熙中謚武穆

左光祿大夫魏良臣宣城人高宗時謚敏肅

御史中丞知樞密院事湯鵬舉金壇人孝宗時謚敏肅

國子祭酒知湖州葛仲勝丹陽人紹興中謚文康 少保
贈少師葛邲仲勝孫寧宗時謚文定

湖北經畧安撫使王庶慶陽人孝宗時追謚敏節

泗州宣撫使贈少師涪王吳玠永洛人紹興中謚武安

太師贈中王秦檜江寧人紹興中謚忠獻

開禧二年追奪王爵改謚謬醜嘉定元年史彌遠奏復

王爵贈謚

尚書右僕射同中書門下平章事金紫光祿大夫万俟卨

陽武人紹興中謚忠靖

太尉贈開府儀同三司李顯忠青澗人淳熙時謚忠襄

顯忠與父永奇俱陷於金後歸本朝為金人追及家人

二百口皆遇害

檢校少保同安郡王楊存中代州人乾道中謚武恭

存中祖父及母皆死于難存中既貴請于朝祖宗閱謚

忠介父震謚忠毅賜廟曰顯忠曰報忠

金州樞密院都統制檢校少保贈檢校少師郭浩隴西人

紹興十五年謚恭毅

忠州刺史贈保寧軍節度使魏勝宿遷人隆興中與金人

戰極力禦之後兵不至墜馬死謚忠壯

檢校少保淮東宣撫使贈太尉張子蓋成紀人後從子隆

興中謚恭莊

太尉贈開府儀同三司楊政臨涇人謚襄毅

知廬州總帥事贈保靜軍節度使張宗顏延安人紹興九年謚壯敏

太保三京招撫處置使贈太師鄜王劉光世保寧人紹興中謚武億

簽書樞密院事兼都統制贈開府儀同三司少保王淵熙州人乾道中為苗傅劉正彥所害謚襄愍

宣州觀察使曲端鎮戎人紹興中為張浚所殺浚罷追復端官謚壯愍

端明殿學士簽書樞密院事贈通議大夫王倫且從玄孫淳熙中追謚愍節

資政殿大學士贈開府儀同三司宇文虛中成都人初受金人偽官為國師既以謀歸宋被殺淳熙中追謚肅愍

資政殿學士贈少師宇文紹節虜中族姪嘉定六年謚忠惠

資政殿大學士贈左光祿大夫王綸建康人紹興三十一年謚章敏

知樞密院事贈左銀青光祿大夫沈與承德清人紹興中謚忠敏

宣奉大夫贈少師王師心金華人謚莊敏
橫貴廉三州都巡檢使贈太尉毛炳富川人以交寇死於難乾道中謚忠順武烈

荆湖南路兵馬副都監贈容川觀察使姚興相州人開禧

中與金亮戰而死追謚忠毅

知樞密院事葉義問壽昌人乾道六年謚忠簡

寶文閣直學士胡安國崇安人紹興中謚文定

徽猷閣學士洪皓番陽人紹興中謚忠宣 觀文殿學士

浙東安撫使奉祠洪适皓子淳熙中謚文惠 資政殿

學士提舉洞霄宮洪遵皓次子淳熙中謚文安 端明

殿學士贈光祿大夫洪邁皓季子淳熙中謚文敏

權禮部侍郎兼權刑部侍郎贈太師崇國公張九成錢塘

人理宗時追謚文忠

資政殿學士胡銓廬陵人乾道中謚忠簡

資政殿學士提舉杭州洞霄宮李邴任城人孝宗時謚文

敏

資政殿學士知紹興府奉祠張守晉陵人紹興中謚文靖

寶謨閣直學士知湖州提舉江州太平觀常同臨邛人紹

興中謚忠毅

慶遠軍節度使提舉洞霄宮贈少師嘉國公邢煥開封人

高宗邢后父紹興中謚恭簡

太師太寧郡王追封衛王吳蓋開封人憲聖后弟乾道中

謚莊簡

中書舍人兼侍講權直學士院提舉太平觀呂本中公著

曾孫紹興中謚文靖

資政殿學士知紹興府韓肖胄琦曾孫紹興中謚元穆

端明殿學士江南東路安撫大使知建康府兼行宮留守
章誼浦城人紹興中謚忠恪

中奉大夫寶文閣學士李植臨淮人乾道中謚忠襄

嶽陽軍節度使贈太尉韓公喬開封人乾道中謚恭榮

資政殿學士知徽州提舉江州太平興國宮何鑄餘杭人

謚通惠嘉定初改謚恭敏

簽書樞密院事兼權叅政知廣州樓炤永嘉人紹興中謚

襄靖

吏部尚書提舉亳州明道宮洪擬丹陽人紹興中謚文獻

資政殿太學士提舉萬壽觀兼侍讀張壽德興人隆興中

謚忠定

廣西轉運判官黃灝都昌人謚文簡

端明殿學士贈正議大夫黃中邵武人淳熙中謚簡肅

秘書少監權禮部侍郎曾幾贛州人乾道中謚文清

少師贈太保魏國公陳俊卿莆田人孝宗時謚正獻

少保武安軍節度使四川宣撫使贈太傅雍國公虞允文

仁壽人淳熙中謚忠肅

左僕射同中書門下三品兼樞密使贈太師魯國公陳康

伯弋陽人乾道中謚文恭慶元初改謚文正

知光化軍游九言建陽人謚文清

右丞相贈少師儀國公梁克家晉江人淳熙中謚文靖

福建安撫使贈金紫光祿大夫汪澈浮梁人隆興中謚莊

敏

觀文殿學士贈特進葉顥仙游人乾道中謚正簡

觀文殿學士贈銀青光祿大夫錢端禮臨安人淳熙中謚

忠肅

資政殿大學士贈特進魏杞壽春人淳熙中謚文節

資政殿大學士贈正奉大夫太傅周葵宜興人淳熙中謚

惠簡

資政殿學士提舉臨安府洞霄宮蕭燧臨江人紹興中謚

正肅

資政殿學士龔茂良莆田人淳熙中謚莊敏

同知樞密院事黃祖舜福清人孝宗時謚莊定

同知樞密院事贈資政殿大學士光祿大夫王剛中樂平

人孝宗時謚恭簡

觀文殿學士贈少保李彥穎德清人紹興中謚忠文

端明殿學士知平江府汪應辰全山人淳熙中謚文定

龍圖閣學士王十朋樂清人紹熙三年謚忠文

敷文閣直學士提舉太平宮陳良翰臨海人光宗時謚獻

肅

龍圖閣學士提舉興國宮胡沂餘姚人淳熙中謚獻肅

御史方大琮莆田人謚忠惠

吏部侍郎江西安撫使汪大猷鄞縣人謚莊靖

華文閣直學士程叔達歙人謚莊節

敷文閣學士贈太師溫國公李燾靖州丹稜人乾道中謚

文簡 禮部尚書資政殿學士李皇燾子謚文肅 端

明殿學士知瑞寧府贈資政殿學士李璧壽第三子嘉

定十五年謚文懿

禮部尚書正奉大夫贈金紫光祿大夫尤袤無錫人嘉定

五年謚文簡

龍圖閣直學士知泉州顏思魯龍溪人嘉泰中謚定肅

資政殿學士知婺州張綱丹陽人初謚文定孝宗時汪應

辰駁之孫釜再請乃得賜謚章簡

龍圖閣學士正議大夫贈銀青光祿大夫張大經南城人

慶元中謚簡肅

資政殿學士贈光祿大夫劉章龍游人淳熙中謚靖文

少傅贈太師益國公周必大廬陵人寧宗時謚文忠

必大嘗建三忠堂于鄉謂歐陽文忠修楊忠襄邦乂胡

忠簡銓皆廬陵人也而必大卒獲文忠之謚蓋符其素

志云

河北副總管贈太尉楚王李道安陽人光宗后父隆興中

謚忠毅

少師觀文殿大學士贈太師魏國公留正永春人寶慶三

年謚忠宣

同知樞密院事贈資政殿學士胡晉臣蜀州人光宗時謚

文靖

寶謨閣待制贈直學士彭龜年清江人謚忠肅

時章穎等請易名寧宗曰龜年忠鯁可嘉且應得謚使人人如此必能納君無過之地

太僕寺卿陳槩鄞人永之曾孫寧宗時謚文定

太常寺丞呂祖儉金華人夷簡五世孫寧宗時謚忠

龍圖閣學士葉時仁和人寧宗時謚文康

吏部尚書彭方都昌人謚文定

國子祭酒吏部尚書袁甫燮子謚正肅

慶遠軍節度使太尉韓同卿琦五世孫寧宗后父寧宗時

謚恭靖

泰武軍節度使贈太尉鄭興裔開封人寧宗時謚忠肅

禮部尚書兼侍讀贈資政殿大學士黃裳劔浦人嘉定中

謚忠文

端明殿學士簽書樞密院事贈太保羅點崇仁人寧宗時

謚文恭

端明殿學士簽書樞密院事贈資政殿學士正奉大夫林

大中永康人嘉定元年謚正惠

觀文殿學士提舉洞霄宮贈少傅陳騏臨海人嘉泰二年

謚文簡

兵部侍郎知明州林栗福清人謚簡肅

端明殿學士鄭丙長樂人謚簡肅

左丞相贈太保京鏗南昌人寧宗時謚莊定

鏗初謚文穆其子請避家諱謚文忠御史段千里言楊億謚文欲加一忠字竟不與乃改謚莊定

知樞密院事沈夏德清人謚簡肅

龍圖閣學士兼江淮制置使楊輔遂寧人謚莊惠

少傅追封衛魯王謝深甫台州人理宗后祖父理宗時追

謚惠正

資政殿大學士提舉萬壽觀贈少師樓鑰鄞縣人嘉定六

年謚宣獻

端明殿學士知平江府贈開府儀同三司豫章郡公李大

性四會人理宗時謚文惠

端明殿學士簽書樞密院事兼權叅知政事提舉洞霄宮

少師任希夷邵武人理宗時謚宣獻

觀文殿大學士提舉洞霄宮贈少師王准金華人孝宗時

謚文定

寧武軍節度使開府儀同三司衛國公贈少師趙雄資州

人嘉定二年謚文定

寶謨閣待制知隆興府徐誼平陽人寧宗時謚文忠

敷文閣學士四川安撫制置使兼知成都府吳玠醴陵人

理宗時謚文定

端明殿學士兼侍讀贈銀青光祿大夫薛叔似河東人嘉

定十四年始謚文節駁者謂功名富貴未免溺意改謚

恭翼

寶謨閣學士權四川制置使劉甲龍游人理宗時謚清惠
簽判建康府事陳亮永康人光宗時謚文毅

寶謨閣待制陳傅良瑞安人寧宗時謚文節

寶謨閣學士通議大夫贈光祿大夫葉適永嘉人寧宗時

謚忠定

宣奉大夫龍圖閣學士贈特進端明殿學士戴溪永嘉人

寧宗時謚文端

知果州李道傳隆州人寧宗時謚文節

端明殿學士贈正奉大夫湯漢安仁人度宗時謚文清

權兵部尚書兼太子詹事蔡幼學瑞安人寧宗時謚文懿

沿江制置使兼知鄂州吳愈德安人謚文肅 刑部尚書

吳革愈姪謚清惠

顯謨閣直學士提舉西京嵩山崇福宮華文閣學士劉光

祖簡州人嘉定十五年謚文節

少保贈太傅郇國公余端禮龍游人寧宗時謚忠肅

同知樞密院事贈太師丘密江陰人寧宗時謚忠定

寶謨閣學士提舉嵩山崇福宮倪思歸安人嘉定十三年

謚文節

工部侍郎贈少師曾漸南城人謚文莊

吏部侍郎聶子述南城人謚文定

秘閣修撰贈少師吳柔勝溧水人理宗時謚正肅

利路提點刑獄中奉大夫游仲鴻南充人紹定五年謚忠

右丞相兼樞密使南充公游似仲鴻子淳祐中謚清憲

直龍圖閣李祥無錫人嘉定元年謚肅簡

知慶元府兼沿海制置使贈中大夫寶章閣待制王介金

華人端平三年以郡守趙汝談請謚忠簡

龍圖閣待制贈少師辛棄疾歷城人德祐初以謝枋得請

謚忠敏

右文殿修撰柴中行餘干人謚憲肅

武信軍節度使贈太師畢再遇兗州人嘉定中謚忠毅

保寧軍節度使少傅贈少師安丙廣安人理宗時謚忠定

立廟沔州額為英惠

朝奉郎四川宣撫使司參議官贈寶謨閣直學士大中

夫楊巨源益昌人理宗時謚忠愍巨源有誅吳曦功安丙殺之

權知大安軍贈朝奉大夫直寶謨閣楊震仲成都人震仲

不從吳曦叛而死理宗時謚節毅

中軍統制知西和州贈檢校少保李好義下邳人好義誅

吳曦有功理宗時謚忠壯

工部侍郎家大酉眉山人謚文節大酉不從吳曦之招理宗召用之

端明殿學士正議大夫贈太師趙方衡山人寧宗時謚忠

肅少師武安軍節度使贈太傅冀國公趙葵方子咸

淳二年謚忠靖

吏部侍郎知太平州孫逢吉龍泉人寧宗時謚獻簡

禮部尚書兼侍讀贈光祿大夫章穎臨江人嘉定中謚文

肅

大理評事胡夢昱吉水人理宗時謚剛簡

校書郎葉賀孫龍泉人理宗時謚文修

端明殿學士陳塏崇德人咸淳中謚清毅

直秘閣趙蕃鄭州人景定中謚文節

寶謨閣學士贈光祿大夫楊萬里吉水人寧宗時謚文節

萬里見邊釁開知必誤國憤烈不食而死

太常少卿王萬浦江人理宗時謚忠惠

兵部尚書黃伯固將樂人理宗時謚忠簡

寧遠節度使都總管贈太尉宋景陽貴州人謚忠成

寶謨閣待制徐邦憲義烏人理宗時謚文肅

光祿大夫觀文殿大學士贈少師李宗勉富陽人理宗時

謚文清

觀文殿大學士提舉洞霄宮南海郡公崔與之增城人理

宗時謚清獻

簽書樞密院事陳卓咸寧人一日鄞人度宗時孫定孫請

于朝謚清敏

侍御史劉漢弼上虞人理宗時謚忠

右丞相贈少傅杜範黃巖人理宗時謚清獻

權工部侍郎兼國子祭酒張處慈谿人理宗時謚文清

寶章閣待制吳昌裔中江人理宗時謚忠肅

兵部尚書曹彥約都昌人嘉熙初謚文簡

叅知政事贈太師衛涇華亭人理宗時謚文節

刑部侍郎贈朝請大夫蔣重珍無錫人理宗時謚忠文

檢校少師武寧軍節度使贈太師吉國公孟珙棗陽人理

宗時謚忠襄

司農少卿陳咸升卿次子理宗時謚勤節

時牟子才上奏曰周制太史掌小喪賜謚小史掌卿大夫之喪賜謚讀誄夫曰賜曰讀出于有司之舉行明矣乃若公叔文子卒其子戍請謚者蓋春秋時周禮盡廢有司不知舉行舊典禮經故不免于戍之請然非成周初意也夫定于太常覆于考功集議于尚書省我國家

禮亦宜之初何待于子若孫陳請即竊見近年有官品人品俱不應謚者紛然祈請至轉委要官以必遂其志遂使國家節惠之典幾爲無用贅疣之物其何以彰善癉惡激濁揚清哉臣愚欲望陛下推行周制詔有司自今官品合該議謚及一節一行有關於國家法應節惠者有司並舉行之不必候本家陳請使爲惡者無所遷避以伸國家懲惡之公而使庸碌無聞之人知所懲勸不敢妄有所陳以紊公朝褒賢之典此非小補也

太師會稽郡王史浩勤人寧宗時謚文惠嘉定十四年追封越王改謚忠定 禮部侍郎封奉化郡侯史彌大浩長子理宗時謚獻文 太師左丞相兼樞密使保寧侯

昭信軍節度使充醴泉觀使贈中書令衛王史彌遠浩
次子理宗時謚忠獻 資政殿學士光祿大夫史彌堅
浩次子理宗時謚忠宣 觀文殿大學士贈少師安德
軍節度使魯國公史嵩之彌遠姪理宗時謚莊肅
嵩之初謚忠簡以家諱改莊肅德祐初右正言徐直方
劾嵩之不宜賜謚乃奪罷

知信州贈特進陶宗全州人理宗時謚文肅

吏部侍郎鄧珦一名瑄建昌人謚清惠

太傅保定軍節度使齊國公贈尚書令魏郡王鄭清之鄞

縣人理宗時謚忠定

觀文殿大學士判福州福建路安撫大使贈太子少師許

國公董槐定遠人理宗時謚文清

龍圖閣學士提舉鴻慶宮贈開府儀同三司傅伯成察之

孫端平三年謚忠簡

叅知政事觀文殿大學士贈太師信國公葛洪東陽人理

宗時謚端憲

叅知政事封臨海郡侯應繇昌國人嘉定中進士卒謚文

敏

徽猷閣待制曹叔遠瑞安人紹熙初進士卒謚文肅 寶

章閣待制曹爾叔遠族子嘉泰初進士卒謚文恭

大理少卿范應鈴豐城人開禧間進士卒謚清敏

端明殿學士豐城伯徐經孫豐城人寶慶初進士卒謚文

惠

金紫光祿大夫馬光祖金華人理宗時謚莊敏

少師保寧軍節度使醴泉觀使贈太師魯國公喬行簡東陽人淳祐中謚文惠

左丞相兼樞密使贈少師東陽郡公范鍾蘭潞人嘉熙中謚文肅

左丞相兼樞密使湖南安撫大使特進贈太師益國公江萬里都昌人咸淳九年死節謚文忠

觀文殿大學士贈太師宣繡鄞人理宗時謚忠清

觀文殿學士贈太師奉化郡公余天錫昌國人理宗時謚忠惠

簽書樞密院事資政殿學士知慶元府兼沿海制置使提

舉洞霄宮贈少保鄒應龍泰寧人淳祐中謚文靖

吏部侍郎李昂英番禺人理宗時謚忠簡

知樞密院事福建安撫大使兼知福州提舉佑神觀贈少師陳韓侯官人景定二年謚忠肅

煥章閣學士徐應龍浦城人理宗時謚文肅 資政殿學

士提舉洞霄宮徐榮叟應龍子謚文清 知樞密院兼

叅知政事提舉佑神觀贈少師晉寧郡公徐清叟應龍次子景定中謚忠簡

端明殿學士提舉洞霄宮蔡抗建陽人元定孫理宗時謚文肅抗初謚文簡以犯祖諱更謚

續文獻通考 卷之二百四十五 二十五
簽書樞密院事贈資政殿學士少保南城郡侯包恢建昌
南城人度宗時謚文肅

權叅知政事贈開府儀同三司時江侯陳宗禮南豐人度
宗時謚文定

秘書郎兼考功郎贈直龍圖閣曾三聘新淦人嘉熙時謚
忠節

寶謨閣待制徐僑義烏人理宗時謚文清

禮部侍郎徐鹿卿豐城人理宗時謚清正

端明殿學士贈正議大夫洪天錫晉江人理宗時謚文毅
工部侍郎徐元杰上饒人理宗時謚忠愍

杰論嵩之不可起復一日忽暴疾卒時以爲中毒

顯文閣待制提舉玉隆萬壽宮贈中奉大夫趙景緯於潛

人度宗時謚文安

時太常博士陳埴亢直不阿獨爲表爨議謚餘皆閣筆
嘆曰幽厲雖百世不改謚有美惡豈諛墓比哉會朱端
常子乞謚埴曰端常居臺諫則逐善類爲藩牧則務刻
剥宜得惡謚以戒後來乃謚曰榮愿議出宰相而下皆
肅然改容 又衛涇綴裴良士乞父謚奏曰臣聞傳曰
惟名與器不可以與人禮曰謚以尊名君子耻名之浮
于行蓋士大夫竭忠盡節于國家者生則有爵祿以榮
其身沒則有褒謚以傳于世所以示激勸之公非以徇
人情之私也裴希稷者臣不知其何如人徒聞以貲起

家甲于京邑中興記錄無所登載據其子良士陳述不
過泛舉制詞數語便謂曾有戰功又稱嘗蒙高宗皇帝
召到詢及邊事敷陳韜略一無實跡之可考不惟法不
該謚且不知所以易其名者又輒引姚興爲比興死節
著在國史已經贈官立廟昨因趙善堅論奏再與賜謚
希稷可謂擬非其倫兼朝廷比年以來褒表忠義如岳
飛劉光世等追贈王爵中外有志功名之士聞風興起
誠以義理人心所同固易于感發也今若以裴希稷比
姚興例得謚典駑驥同槽薰蕕共器凡前所以褒表之
意人反得而輕視之矣事體所繫顧不重歟伏望聖慈
將裴希稷賜謚指揮特與寢罷屢叶公論在臣守官之

義得以少安不勝幸甚

叙州守贈武節大夫眉州防禦使楊大全元兵入蜀戰死
謚愍忠

通判海州侯畠樂清人理宗時與賊李松壽力戰而死謚
節毅

成都府制置使丁黼石埭人嘉熙三年死節謚恭愍

知臨江軍贈寶章閣待制陳元桂撫州人理宗時謚正節
開慶初元兵奄至元桂力疾登城門督戰元兵至桂叱
罵遂遇害

侍衛馬軍司統制贈靜江軍節度使牛富霍丘人度宗時
樊城陷死之謚忠烈

知饒州贈文華閣待制唐震會稽人度宗時不屈于元兵而死謚忠介

權知沔州贈龍圖閣學士曹友聞粟亭人理宗時死于蜀雞冠謚節

直秘閣知沔利二州提點刑獄贈正議大夫龍圖閣直學士高稼蒲江人理宗時死節謚忠

知西和州贈文華閣待制陳寅咸子理宗時謚褒節元兵至寅力不能支遂與妻同死賓客從死者二十八人

守潭州兼湖南安撫使贈端明殿大學士李芾衡州人德祐時謚忠節

池州通判兼文華閣待制趙昂發昌州人咸淳中謚文節衡陽知縣贈敷文閣學士陳繼周寧都人德祐時欲與文天祥興復力屈而死謚忠節

金壇知縣贈朝散大夫直秘閣李成大建昌人迥之從子德祐時不屈于元兵而死謚忠節

西夏僞謚

李繼遷德明時追上尊號曰應運法天神智仁聖至道廣

德孝光皇帝廟號武宗元昊時追謚神武廟號太祖

配野利氏謚順懿孝皇后

德明繼遷子追謚光聖皇帝廟號太宗 配衛慕氏謚惠

慈敦愛皇后

續文獻通考

卷之四百五十五

元昊德明子謚武烈皇帝廟號景宗 配沒藏氏謚宣穆

惠文皇后 野力氏謚憲成皇后

諒祚元昊子謚昭英皇帝廟號毅宗 配梁氏謚恭肅章

憲皇后

秉常諒祚子謚康靖皇帝廟號惠宗 配梁氏謚昭簡文

穆皇后

乾順秉常子謚聖文皇帝廟號崇宗 配曹氏

仁孝乾順子謚聖德皇帝廟號仁宗 配羅氏謚章憲欽

慈皇后

純祐仁孝子謚昭簡皇帝廟號桓宗

安全乾順孫越王仁友之子廢純祐自立謚敬穆皇帝廟

號襄宗

遵頊宗室子謚英文皇帝廟號神宗

德旺遵頊孫無謚廟號獻宗

續文獻通考卷之一百四十五終

續文獻通考

二十一

續文獻通考卷之一百四十六

皇明進士雲間王圻纂輯

諡法考 遼君臣諡至劉豫偽諡

遼帝后諡

肅祖姓耶律氏諡昭烈皇帝 后蕭氏諡昭烈皇后

懿祖諡莊敬皇帝 后蕭氏諡莊敬皇后

二祖二后俱乾統三年追諡

玄祖諡簡獻皇帝 后蕭氏諡簡獻皇后

德祖諡宣簡皇帝 后蕭氏諡宣簡皇后

二祖二后俱重熙二十一年追諡

太祖名億字阿保機德祖長子諡大聖大明神烈天皇帝

太宗名德光太祖次子諡孝武惠文皇帝 后蕭氏初諡

彰德重熙二十一年改諡靖安

世宗名阮讓國皇帝長子諡孝和莊獻皇帝 后蕭氏初

諡孝烈重熙二十一年改諡懷節

穆宗名璟太宗長子諡孝安敬正皇帝為近侍所弑 后

蕭氏無諡

景宗名賢世宗第二子諡孝成康靖皇帝 后蕭氏初諡

仁聖宣獻皇后重熙二十一年改諡睿智

聖宗名隆緒景宗長子諡文武大孝宣皇帝 后蕭氏諡

仁德 又蕭氏諡欽哀

與宗名宗真聖宗子諡仁聖孝章皇帝 后蕭氏諡仁德

道宗名隆基與宗長子諡仁聖大孝文皇帝 后蕭氏諡

宣懿

天祚帝諱延禧道宗之孫國亡并二后二妃俱無諡

道宗太子濬諡昭懷乾統初追諡大孝順聖皇帝廟號順

宗 妃蕭氏諡貞順皇后

按天祚時有興宗第四孫耶律淳自立偽諡孝章皇帝

廟號宣宗有耶律大石太祖之孫亦自立號為西遼

尊號天祐皇帝追諡祖父為嗣元皇帝祖母為宣義皇

后冊元妃蕭氏為昭德皇后沒後廟號德宗子夷列嗣

母后攝國政號感天皇后沒後號仁宗子幼以妹普速

貞

完權國號承天太后普速完傳仁宗次子直魯古為乃
蠻王屈出律所擒而遼絕

遼宗室謚

義宗名倍太祖長子以國讓弟德光太宗謚文武元皇帝
世宗統和中更謚文獻皇帝重熙二十一年增謚文獻
欽義皇帝 二后俱不知何氏一謚端順一謚柔貞

李胡太宗第三子統和中追謚欽順皇帝重熙二十一年
更謚章蕭皇帝 后謚和敬

齊王贈王太叔卷撤葛太宗子謚欽順

追冊皇太子吼阿不世宗第三子謚莊聖

齊王隆祐景宗子謚仁孝重熙時改謚孝靖

陳王阿璉初興宗子謚欽正

遼諸臣謚

大丞相贈尚書晉王耶律隆運幽州人重熙中謚文忠

本姓韓名德讓匡嗣子統和中賜名德昌又賜姓耶律
名隆運

北府宰相兼侍中蕭常哥國舅族天慶中謚欽肅

右丞相加尚父贈中書令杜防涿州人清寧中謚元肅

北院樞密使贈大丞相晉國王蕭孝穆淳欽皇后弟重熙
中謚貞 南京留守晉王蕭孝先孝穆弟重熙中謚忠
肅

西南面招討使贈侍中撻不野孟父房後道宗時謚貞憫

中京留守遼西郡王耶律良著帳郎君後咸雍中謚忠成
上京留守太師遼西郡王姚景行興中人咸雍中謚文憲
北院樞密使太師推誠贊治功臣混同郡王耶律幹特刺
許國王寅底石六世孫大安中謚敬肅

中京留守陳國公竇景庸中京人大安中謚肅憲

同知樞密院事兼南府宰相門下侍郎平章事贈中書令

趙傑河京人咸雍中謚文憲

南院樞密使韓國公耶律仲禧析津人咸雍中謚欽惠

知樞密院事經邦佐運功臣贈尚父漆水郡王耶律儼

仲禧子天慶中謚忠懿

南院樞密使司徒兼侍中馬人望醫巫閭人天祚時謚文

獻

北府宰相贈司空楊遵勗范陽人大安中謚康懿

遼之臣賢而有功者亦多但賜謚者止此故據史錄之

其耶律姓者大抵宗室疏屬蕭姓者大抵外戚疎屬也

金帝后謚

始祖姓完顏氏諱普函天會十三年追謚景元皇統五年

增謚懿獻景元皇帝 后不知何氏謚明懿

德祖名烏魯始祖子天會時追謚德皇統時增謚淵默玄

德皇帝 后不知何氏謚思

安祖名跋海德祖子天會時追謚安皇統時增謚和靖慶

安皇帝 后不知何氏謚節

獻祖名綏可安帝子天會時追謚定昭皇統時增謚純烈
定昭皇帝 后不知何氏謚恭靖

昭祖名石魯獻祖子天會時追謚成襄皇統時增謚武惠
成襄皇帝 后徒單氏謚威順

景祖名烏古昭祖子天會時追謚惠桓皇統時增謚英烈
惠桓皇帝 后唐括氏謚昭肅

世祖名劼里鉢景祖子謚神武聖肅皇帝 后挾懶氏謚
翼簡

肅祖名頰次淑景祖第四子謚明睿穆憲皇帝 后不知
何氏謚宣靜

穆宗名盈哥景祖第五子謚章順孝平皇帝 后不知何

氏謚貞惠

康宗名烏雅東世祖長子謚獻敏恭簡皇帝 后不知何

氏謚敬僖

太祖名旻世祖第二子謚應乾興運昭德定功睿神章孝

仁明大聖武元皇帝 后唐括氏謚聖穆 裴滿氏謚

光懿 紇石烈氏謚欽憲 烏古論氏謚宣獻

太宗名晟世祖第四子謚體元應運世德昭功哲惠仁聖

文烈皇帝 后唐括氏謚欽仁

熙宗名亶太祖孫謚弘基續武莊靖孝成皇帝 后裴滿

氏謚悼平

初海陵廢帝為東昏世宗即位追復帝號謚武靈廟號

閔宗後改熙宗

海陵名亮遼王宗幹第二子後廢為庶人謚煬 后徒單

氏無謚

世宗名烏祿太祖孫睿宗子謚光天興運文德武功聖明

仁孝皇帝 后烏林答氏謚昭德章宗時改明德 妃

李氏衛紹王時追謚光獻皇后

章宗名璟顯宗子謚憲天光運仁文義武神聖英孝皇帝

后蒲察氏謚欽懷

衛王名承濟世宗第七子謚紹 后徒單氏無謚

宣宗名珣顯宗長子謚繼天興統述道勤仁英武聖孝皇

帝 后王氏謚明惠

哀宗名守緒又名寧申速宣宗第三子自縊于蔡州城未

帝謚為哀

熙宗太子濟安謚英悼

寧宗太子守忠謚莊獻

金宗室尊帝后謚

徽宗名宗峻太祖第二子熙宗之父熙宗即位追謚景宣

后蒲察氏謚惠昭

睿宗名宗堯太祖第八子世宗之父謚立德顯仁啓聖廣

運文武簡肅皇帝 后蒲察氏謚欽慈 李氏謚貞懿

顯宗名允恭世宗第二子章宗之父初謚宣孝太子章宗

即位追謚體道弘仁英文睿德光孝皇帝 后徒單氏

謚孝懿 劉氏謚昭聖

海陵父宗幹太祖長子遼王也海陵即位追謚憲古弘道文昭武烈章孝睿明皇帝廟號德宗後海陵貶黜為庶人猶稱明肅皇帝大定二十二年皇太子允恭言宗幹不宜稱帝乃復降遼王謚忠烈其母大氏謚慈憲皇后後亦降

金宗室謚

同中書門下平章事贈開府儀同三司婆盧火安帝五世孫天眷元年謚剛毅
行臺左丞相兼左副元帥金源郡王杲即撒離喝安帝六世孫大定三年謚莊襄

贈開府儀同三司金源郡王習不失昭祖孫大定三年謚忠毅

左丞相兼都元帥宗誥昭祖四世孫昂子章宗時追謚通敏

司空領左丞相南陽郡王襄昭祖五世孫泰和二年謚武昭

贈開府儀同三司隋國公阿離合滿景祖第八子大定中謚剛憲

叅議國政鄭國公謾都訶景祖第九子明昌五年謚定濟贈金源郡主撒改景祖曾孫大定中謚忠毅

贈金紫光祿大夫謾都本景祖孫麻頗子天眷中謚英毅

太保尚書令領三省事贈秦王宗翰景祖曾孫即粘沒喝

大定中謚桓忠

裨將追封儀同三司魏王幹帶世祖第三子天會十五年

謚定肅

都元帥遼王杲世祖第三子即斜也大定十五年謚智烈

元帥左都監魯王闍母世祖第七子大定二年謚莊襄

右丞相贈開府儀同三司太尉尚書令廣平郡王承暉世

祖曾孫貞祐三年謚忠肅

太師楚王謀良虎康宗長子又名宗雅大定二年追謚威

敏

趙王宗傑太宗子謚孝悼

贈太師宋王宗望太祖子即幹離不大定三年謚桓肅

太師領三省事都元帥潘王宗弼太祖子即兀术大定十

五年謚忠烈

鎬王永忠世宗子以罪死泰和中追謚厲

越王永功世宗子興定中謚忠簡

豫王永成世宗子泰和四年謚忠獻

鄭王永蹈世宗子以罪死泰和中謚刺

鄆王琮顯宗子明昌中謚莊靖後改為莊

瀛王瓌顯宗子明昌中謚文敬

瀛王琦顯宗子泰和中謚敦懿

溫王玠顯宗子明昌三年謚悼敏

皇太孫鏗宣宗孫諡冲懷

贈特進關哥宗室子不知世次大定十五年諡莊翼

金諸臣諡

詳穩贈開府儀同三司代國公歡魯完顏部人明昌五年

諡忠敏 左丞相兼侍中贈儀同三司金源郡王完顏

希尹歡魯子大定十五年諡貞憲 太尉尚書左丞相

兼太子太師完顏守道希尹孫明昌四年諡簡憲更諡

簡憲

鎮撫懷孟贈特進習失完顏部人大定中諡威敏

贈開府儀同三司金源郡王婁室完顏部人皇統中諡莊

義 京兆尹隋國公活女婁室子天眷中諡貞濟

中書令贈金源郡王銀朮可大定十五年諡武襄 猛安

贈銀青光祿大夫麻吉銀朮可弟皇統中諡毅敏 元

帥金吾衛上將軍拔離速銀朮可弟天會中諡敏定

尚書宰相齊國公韓企先玉田人大定十五年諡簡懿

特進韓國公斜卯阿里父渾坦穆宗時內附不知何所人

正隆中諡智敏

翰林侍講學士贈特進濮國公虞仲文寧遠人正統中諡

文正

大興尹榮國公赤薺輝張皇人大定中諡武康

太傅領三省事贈太師晉國王撻不野一名大臬遼陽人

貞元中諡傑忠

樞密副使舒國公高彪渤海人正隆中謚桓壯

太師尚書令南陽郡王張浩渤海人本姓高東明王之後

大定中謚文康 參知政事張汝霖浩子明昌元年謚

文襄

大醫使贈資政大夫祁宰江淮人力諫海陵被殺太和中

謚忠毅

章宗詔定功臣謚尚書省掾李秉鈞上言事有宜緩而急若輕而重者名教是也伏見故贈資政大夫祁宰忠言被誅慕義之士盡傷厥心世宗贈之以官陛下錄用其子大惠也雖武王封比干之墓孔子譽夷齊之仁何以異此徒以職非三品不在議謚之例臣竊疑之若職

至三品方謚當時居高官食厚祿者不為無人皆畏罪漫忍不伸一喙畫一策以為社稷計卒使立名死節之士顧出醫卜流亦可少愧矣臣以為非常之人當以非常之禮待乞詔特賜謚以旌其忠斯亦助名教之一端也制曰可

太師梁晉王徒單恭本名斜也上京人海陵徒單后父貞

元二年謚忠

定國軍節度使太孫太師同判大睦親院事定國公徒單公弼河北東路人尚世宗女息國公主與定五年謚愿恪

太保廣平郡王李石遼陽人貞懿皇后弟太定十六年謚

襄簡

右丞相金源郡王紇石烈志寧上京人大定中謚武定

左丞相無都元帥僕散忠義上京人宣獻皇后 兄大

定六年謚武莊

右丞相金源郡王紇石烈良弼本名婁室回怕川人大定

十五年謚誠敏後圖像衍慶宮更謚武定

右丞相石琚定州人大定中謚文獻

太師淄王徒單克寧萊州人大定末謚忠烈

平章政事濟國公僕撒揆忠義子泰和七年謚武肅

知樞密院事贈開府儀同三司克國公劉彥宗宛平人天

會中謚英敏

禮部侍郎兼左補闕汾陽軍節度使許安仁交河人大定

中謚文簡

刑部尚書隴西郡公李愈正平人大定中謚清獻

平章政事英國公夾谷衡山東西路人承安中謚貞獻

尚書右丞移刺履遼東丹王七世孫明昌二年謚文獻

叅知政事崇進金紫光祿大夫贈儀同三司壽國公張萬

公東河人泰和七年謚文貞

平章政事芮國公蒲察通中都路人明昌中謚成肅

叅知政事程輝蔚州人承安元年謚忠簡

尚書右丞劉瑋咸平人明昌中謚安敏

禮部尚書兼翰林學士承旨李晏高平人承安二年謚文

賈文狀用考

卷之三十四

十一

簡 更部侍郎山東按察使贈朝列大夫李仲畧晏子
泰和五年謚襄獻

乾州節度使贈侍中道國公康公弼應州人謚忠肅此出尚古

類氏編金史
康元弼無謚

知河中府馬伯祿三河人承安四年謚貞忠

工部侍郎安武軍節度使楊伯元尉氏人泰和三年謚達

左丞相都元帥僕散端中都路人宣宗時謚忠正

御史中丞贈通奉大夫李英益都人宣宗時謚剛貞

東北路招討使兼德昌軍節度使完顏鐵哥速頰路人貞

祐中謚勇毅

宣差都提控孟奎嘗為汲縣令貞祐初謚莊肅

權陝西東路轉運使行六部尚書王擴永平人興定中謚

剛毅

河中尹楊伯雄藁城人大定中謚莊獻

戶部尚書蕭貢咸陽人元光二年謚文簡

翰林待制贈翰林學士承旨溫迪罕締達女直人明昌五

年謚文成

戶部尚書張翰秀容人貞祐中謚達義

戶部尚書任天寵定陶人貞祐中謚純肅

太子太傅贈銀青榮祿大夫張行簡日照人貞祐中謚文

正

禮部尚書兼侍讀楊雲翼樂平人正大五年謚文獻

泰安州刺史贈泰安軍節度使速嘉安禮大名路人興定
中諡堅貞

金紫光祿大夫元帥左都監紇石烈鶴壽河北西路人興
定五年諡勇果

孟州防禦使贈資德大夫定國軍節度使蒲察婁室東北
路人興定中諡襄勇

鳳翔府路兵馬都總管府判官贈輔國上將軍恒州刺史
馬慶祥其先西域人徙狄道元兵攻鳳翔祥率兵殊死
戰矢盡被執不屈而死諡忠憫 禮部尚書贈梁郡侯
馬正卿慶祥子金末諡忠懿

叅知政事尼龐古鑑曷速館人諡文肅

右丞相儀同三司吳國公蔡松年真定人正隆中諡文簡
翰林學士承旨党懷英馮翊人大安三年諡文獻

臨潢尹贈太師廣平郡王徒單貞上京人章宗時諡莊簡
貞尚海陵妹與海陵同弑熙宗者女爲章宗母故得諡
中都路轉運使王寂玉田人諡文肅

叅知政事尚書左丞董師中洛州人大定中諡文定
吏部尚書梁肅奉聖州人大定中諡正憲

中都留守高霖東平人金末諡文簡
叅知政事右丞耶律履上京人諡憲

觀州刺史贈崇義軍節度使高守約遼陽人金末諡忠敬
樞密副使胥持國繁峙人承安中諡通敏

威勝軍節度使趙愨女直人金末謚忠愍

翰林修撰魏璠元世祖徵至和林卒謚靖肅


補闕李大節元世祖謚貞肅

燕京留守儀同三司鄭國公蕭仲恭遼宣宗甥謚貞簡

劉豫偽謚

祖謚毅文皇帝號徽祖

父謚睿文皇帝號衍祖



續文獻通攷卷之一百四十六終

